

محراب

افہرقتی ، اجتماعی ، فلسفی ، تاریخی ، ادبی مجموعہ در
شیمدیلاک اون بش کوندہ نشر اولنور

مدرجات :

- توحید تدریسات مسئلہ سی والامہیات فا کولتہ سی محمد امین ۷۵۷
- قابل (اجتماعی حکایہ) مہامی ۷۶۰
- اورتہ آسیادہ تورکن علمی ضیا ۷۶۶
- اوافق بر نظره عبد الرشید ۷۷۷
- سمرقند شہری نورکستانی : رفت ۷۸۰
- حی بن یقظان (رومان تفرقہ) بابا زاده : رشید ۷۸۵
- کوی مکتوبلری : محمد صدق — سراب : قدریہ حسین — شرق : ملیحہ نوری — رؤیا ۷۸۷
- مندہ : شرف کاظم — غزل : محی الدین رائف — یولجی : توفیق جلیس — غزل : کامی ۷۸۸

یگی طبعنا

بارغالی تجادہ نیندہ در شید افندی خانیندہ

حی بن یقظان

۵

روح حیوانی دخی برذر کوزلری کورمک فعلندن ؛ قولاغی ایشتمک ؛ بورونی قوقلامق ؛ دیلی طامق دری بی آتی لمس ایتک و سائر اعضای ظاهره بی تحریک ایتکده درلر .

جکری غذا آلمق ایشلرند . استخدام ایلر . بواعضالک هر بریچون برچوق اعضای خادمه واردر ؛ بونلردن هیچ بری - عصب - سکیر دینیلان طریق اوزره روحندن بر حصه آلمادجه برایشی اجرایه قادر اوله ماز و نه زمان اشبو یوللر بوزیلیرسه و یا خود مجراسی قبانیرسه عطالته اوغرار اشبو سکیرلر دماغ واسطه سیله روحندن امداد آلیر . دماغ ده قلب واسطه سیله روحندن امداد آلیر دماغده برچوق روحلر واردر زیرا دماغ ؛ برچوق اقسامک محل توزیعدر بوندن دولایی هر هانکی عضودن روح سلب اولنورسه او عضو عملدن ساقط اولور عمله طرفندن قوللانیلمسی ایسته نیلمیوب آتیلان آلت کی اولور واکر اشبو روح حیوانی بوتون بوتون یدندن چیقارسه و یا توکنیرسه و یا بشقه صورتله انحلال ایدرسه بوتون جسد معطل قالیر حیات مماته منقلب اولور .

حی بن یقظان مبدأ نشأتدن یکریمی بریاشی ختامنه قدر نظریاتی واسطه سیله بوجده واصل اولدی اشبو مدت ایچنده اشیایی تدبیر ایچون برچوق حیللر استعمالنه واقف اولدی تشریح ایلدیکی حیوانلرک دریلرندن لباس ؛ ایاق قابی یاپدی قیللرندن ؛ ایه کوچی خطمی قامیشک وتلای اوتلرک تللرندن تیره ؛ ایپلک یاپدی . البسه اختراعنه اساس تشکیل ایتک اوزره صوده بیتان سازلردن الدی قوی دیکنلردن ؛ طاشلرله کسکینلیدیکی قامیش پارچه لرندن قانجه لر ایکنه لر یاپدی . اونکله حیوان دزیسندن وجودینه لباس ؛ آیاقلرینه آیاق قابی اویدوردی . قیرلانغیلردن ده یایی یایمق اصولنی اوکیرندی . تراوظه وغداسندن آرتانی محافظه ایچون بریخزن یاپدی . ایشی کوچنی کورمک ایچون پرتدن آیرلق مجبوریتده بولوندیغی زمانلرده غداسنی حیوانلردن صیانت ایتک اوزره بربرینه ربط ایلدیکی قامیشلردن برقابو یاپدی و یاپدیغی اوطه نک قاپوسنی اونکله تحکیم ایلدی .

آولامقده قوللانمق ایچون یرتیجی قوشلر تعلیم و تربیه ایلدی . یومورطه لرندن یاورولرندن استفاده ایچون بر طاقم حیوانلر قوشلر بسله دی . یابانی اوکوزلرک بوینوزلرندن سونکو کبی شیلر یاپدی . بونلری قوی قامیشلره ؛ هه زاران « هیزران » آغاچلرینه طاقدی . اگری اولانلرینی آتشله دوغرولتدی . اوچی قالین اولانلرینی کسکین طاش کناريله سیوریلتدی اونی مزراق شکلنه صوقدی حیوان دریلرینک قالینلرندن قالقان یاپدی بونلره هپ طبیعی سلاحدن محروم اولدیغیچون تشبث ایدیوردی . فقط محروم اولدیغی سلاح طبعیدن ده ایشنی یامغه اللرینک کافی کلدیکنی آکلادی و آرتق جزیره ده موجود حیوانات متنوعه نك هیچ بریسی اوکا مقاومت ایدمزدی لکن آولامق ایستدیکنی حیوانلرک اکثرینی اوندن ده فضلّه قوشه بیلدکلیچون انلری تعقیب ایتمکدن عاجز ایدی . اوکاده بر چاره آرادی دوشوندی طاشیندی آک زیاده قوشان حیوانلردن لزومی قدر تعلیم و تربیه ایتمکدن بینه جک بر راده یه کتیردکنصکره ینوب قوشمقله تشه مدیکنی حیوانلری اونلره تعقیب ایتمکدن ده ای برتدیر بولامدی اولجزیره ده یابانی آتلر ؛ قیصراقلر ؛ مرکبلر وار ایدی اونلردن ایشه یارایانی انتخاب ایلدی مقصدینه آلورنجه یه قدر اونلری تربیه ایتمکله اوغراشدی دریلردن اکر ؛ دیزکین ؛ کم ؛ اوزنکی اویدردی اونکله آولامسی زور اولان حیوانلری تعقیب واولایه بیلیمک ایشنی یوله قویدی بوتون بوایشلرک کافه سند کسب مهارت ایتسی ؛ حیوانلرک اعضاسنک نه کی خاصه لره مالک اولدقلرینی ونه کی صفتلره بربرندن ایرلقلرینی آکلامق واولارزوی یینه کتیرمک ایچون تشریح حیواناتله اشتغالی ائسانسده ومنتهاسی یکریمی برسنه ایله تحدید ایتدیکمز مدت ایچنده واقع اولدی .

اوندنصکره نظریات ساحه سنه کیردی عالم کون وفسادده موجود بالمله حیواناتی ، نباتاتی ، معادنی ، طاشلرک طوبراقلرک انواع و اصفافی ؛ صوی ؛ بخاری ؛ قارلری ؛ دولولری ؛ دومانلری ؛ یالازلری ؛ قورلری ؛ حرارتلری تحری و تفحص ایلدی هر بررلری ایچون آیری آیری صفتلر ؛ درلودرلو تأثیرلر ؛ بربریه متوافق ویا متضاد حرکتلر مشاهده ایلدی و بوايجه لکلری ایجه نظر تدقیقدن کچیردی و حقیقه واقف اولمق ایچون ایجه تشبثلرده بولوندی بعض صفتلرجه اشیایی متحد و بعض صفتلرجه مختلف کوردی متحد اولدقلری حیثندن هپسینی واحد و مختلف اولدقلر جهتدن انلری متغایر و کثیر کوردی بوسبيله بعضاً اشیانک بربرلرندن اختصاص وتمیز ایلدکلری خاصه لرینه نظر ایلردی اوزمان

اشیاءه او قدر چوقلق کورردی که ضبط و تعدادی قابل اوله مازدی اوجه تدن کنديسنده
دخی چوقلق کورردی زیرا عضولرینک مختلف اولديغنه و هر برعضوه مخصوص بر صفت
بر تاثیر موجود اولديغنه و هر عضوک بر چوف پارچه لره قابل انقسام اولديغنه باقار؛ و بناء عليه
ذاتنک دخی اشای کثیره دن عبارت اولديغنه حکم ایلردی و اشياء سائر دخی تکرر
شو صورتله نظر تدقیق و مطالعه دن کچیرردی صکره کرک کنديسنی ؛ کرک اشایی بشقه
بشقه یولدن مطالعه ایتکه باشلادی . کندي اعضا لرنده هر نه قدر چوقلق وار سده
بر برلرینه بتیشیک و باغلی و آراقسز اولدقلرندن ازلری هپ برشی حکمنده کورردی
بر برلرندن فرقلری انحق تاثیرلرینک مختلف اولسی طولانیسیله و او اختلافده سببیت
ویرن ؛ حقیقتده بر و ذاتنک آنحق اوندن عبارت اولان اعضای سائر نك اوکا الات
حکمنده اولان روح انسانی اولديغنه حکم ایلردی و اونقطه نظر دن کنديوسی واحد
حکمی آلیردی آندن صکره انواع حیواناته اجاله نظر ایلردی هر بر فردینی آیری آیری
شو سویلديکمز نقطه نظر دن واحد عد ایلردی . صکره کییک ؛ آت ؛ مرکب کبی
حیوانلرک انواعی ؛ قوشلرک آیری آیری اصنافی نظر دن کچیردی هر نوعک افرادی
آراسنده اعضای ظاهره و باطنه جه ، ادراکاتجه ؛ حرکتجه مشابته و از شیلرده ازلرنده
اختلاف اولديغنی کورردی و هر نوعک افرادینک آیری آیری اولان روحلرک هپ
بر روح دن عبارت اولديغنی و ازلرنده کی آریلق انحق قلبره توزیع اولونماسندن نشأت
ایلدیکنه واکر طاغنیق صورتده قلبلرده موجود اولان روحلر بر آرایه کتیریلوب هپسینک
بر قاب ایچنه قونلسی ممکن ازلسه برشی واحد حکمنده اوله جغه و فقط آیری آیری
قابلره قونولان صو کبی اولديغنه حکم ایلردی بواعتبارله جمع و تفریق حاللرنده روحلرک
کافه سی بر شیدن عبارت اولديغنی و اونلره کثرتنک محل اعتباریله عارض اولديغنی مشاهده
ایتدی و اشبو نقطه نظر دن بر نوعک بوتون افرادی هپ بر صاییلر و افرادینک چوقلغنی
حقیقتده چوق اولمایان شخص واحدک اعضا سنده کی چوقلق کبی اولديغنی آکلادی . صکره
حیوانلرک انواعی برر برر پیش نظر تدقیق و امعانه کتیردی و اونلری کوزلجه تدقیق
و تأمل ایتدی اونلری حسبی ، غذا جاهیستدیکی طرفه اختیاریه حرکتده متفق کورردی .
اشبو انار و افعالک روح حیوانی یه اک زیاده اختصاصی اولان انار و افعالدن اولديغنی
و اختلاف ایتدکلری خصوصیتلرک او قدر روح حیوانی یه علاقه سی اولمایان شیلر اولديغنی
ییلردی اشبو تحقیقات نتیجه سنده بوتون حیوانلرده کی ارواحک کافه سی حقیقتده بر اولديغنی

و نوعلرک روحه آرارلنده جزئی اختلاف و آیریلق اولدیغنی واساساً واحد اولوب کیمیسی صوغوق کیمیسی ده از صوغوق قابله توزیع اولنان صوحکمنده اولدیغنی کشف ایلدی . صوغوقلقلده بر درجه ده اولان صولر حیوانلرک بر نوعه اختصاصی بولونان روح حیوانی حکمنده در بوتون صولر اختلاف و کثرتیه برابر بر اولدیغنی کبی بوتون حیوانلرک روحلری و بناء علیه حیوان جنسی بردن ، برشی واحد عد اولونمق لازم کلیر .

بوتون حیوان نوعلرینی بیان اولنان مطالعه طولایسیله بر امر واحد ارجاع ایتد کدنصکره نقطه نظری مختلف اولان انواع نباتاتی تدقیق و مطالعه چویردی . بونلردن هر بر نوع فردلرینک داللرینی ؛ یاقلرینی ؛ چیچکلرینی ؛ میوه لرینی ، تأثیرلرینی بر لرینه مشابه کوردیکندن آنلری حیوانلره مقایسه ایدردی انواع حیوانک افرادی بینده مشترک بر روح اولدیغنی و اوروح واسطه سیله هر بر نوع برشی واحد اعتبار ایلدیگی کبی انواع نباتاتک افرادی بینده روح حیوانیه بکزر بر امر مشترک اولدیغنی و او امر مشترک واسطه سیله نباتک انواعی دخی بر امر واحد اعتبار اولدیغنی بیلیردی بونظریه بی جنس نباتاتده دخی ملاحظه ایلهدی . بوملاحظه نتیجه سنده بوتون نباتاتک طوپراق و صودن غذا آلمق و نما ایتک خصوصلرنده متفق اولدقلرینی کوردرک بوتون نباتاتک دخی بر امر واحد اولدیغنه حکم ایلردی نباتات و حیوانات حقنده اشبو ملاحظه بی یوروتد کدنصکره ایکسینی بردن ملاحظه و مطالعه ایدر و هر ایکی جنسی ؛ بریسینک طوپراقدن و صودن ؛ دیکرینک هر نوعه مخصوص اطعمه و اشربه دن غذا آلمقده ؛ نما ایتکده متفق کوریردی آنحق حس ؛ ادراک ؛ حرکه خصوصلرنده حیوانات ایچون نباتات اوزرنده بر فضله لق حس ایدردی . چوق دفعه نباتاتده حیواناتده کی حس و حرکه حاللرینه بکزه ر بعض حاللر ظهور ایتدیکنی کوردی نته کیم چیچکلرک یوزی کونشک بولوندیغنی طرفه طوغری دوزر نباتاتک کوکلری غدانک بولوندیغنی جهته طوغری حرکت ایدر . ودها بونلره مماثل برچوق حاللر مشاهده ایتدی . - بیتمدی -

بابان زاده : رشید

